



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Johan Mikkelsen, 55 57 21 81

Vår dato
24.04.2013
Dykkar dato

Vår referanse
2013/5485 433.2
Dykkar referanse

Ottar Myrtveit
Radøyvegen 1943
5936 MANGER

Løyve til utsetting av utanlandske treslag til juletreproduksjon

Ottar Myrtveit får løyve på bestemte vilkår til utsetting av fjelledelgran til juletreproduksjon på gnr. 41 bnr. 4 i Radøy kommune.

Vi viser til søknaden journalført hos oss 18. april 2013 om utsetting av utanlandske treslag til juletreproduksjon på gnr. 39 bnr. 3 i Stord kommune. Søknaden er vurdert i samarbeid mellom Fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Det er søkt om å sette ut følgjande treslag og mengder:

Treslag	Vitskapeleg namn	Mengd	Svartelistestatus
Serbergran	<i>Picea omorika</i>	200	ingen kjent risiko (NK)
Fjelledelgran	<i>Abies lasiocarpa</i>	490	lav risiko (LO)
Nordmannsedelgran	<i>Abies nordmanniana</i>	250	vil ikkje reprodusere i norsk natur neste 50 år

I tillegg er det opplyst at søkjar skal plante 100 vanleg gran, *Picea abies*, men denne arten er ikkje søknadspliktig etter forskrift om utsetting av utanlandske treslag.

Serbergran og fjelledelgran er plassert i risikokategoriane NK og LO, og desse inngår ikkje i svartelista¹. Nordmannsedelgran er vurdert til ikkje å ha moglegheit til å reprodusere i norsk natur dei neste femti åra, og inngår heller ikkje i svartelista.

¹ Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

Utsettingsområdet

Utsettinga skal skje på gnr. 41 bnr. 4, like nordvest for Manger i Radøy kommune. Til saman 1,5 daa av hage og restar av beitemark skal tilplantast i 2013. Arealet skal gjerdast inn for å unngå hjorteskadar.

I Naturbase og Artskart er det ikkje registrert viktige eller sårbare naturtypar, raudlista artar eller MiS-figurar på eller i nærleiken til utsettingsområdet.

Vurdering

Trea skal plantast på eit lite område med hage og beite på innmark. Det er ikkje registrert sjeldne eller trua naturtypar, trua artar eller anna naturmangfald i området med innverknad på sakshandsaminga. Ingen av treslaga er svartelista, og trea skal hoggast før dei set frø, noko som minimerer spreingsfaren til kringliggande område.

Vår vurdering er at saka er godt nok opplyst til å fatte eit vedtak jf. kravet til kunnskapsgrunnlaget og føre-var-prinsippet i naturmangfaldlova §§ 8 og 9. Vi kan ikkje sjå at produksjon av juletre på dei omsøkte areala vil medføre uheldige følgjer for naturmangfaldet.

Sidan planting skal skje i allereie etablerte juletrefelt vil juletreproduksjon i områda som er avteikna i kartvedlegget ikkje medføre ytterlegare belastning på naturmangfaldet utover det som er tilfellet i dag, jf. naturmangfaldlova § 10 om økosystemtilnærming og samla belastning.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Ottar Myrtveit får løyve til å sette ut totalt 200 serbergran, 490 fjelledelgran og 250 nordmannsedelgran i 2013 på gnr. 41 bnr. 4 i Radøy kommune på følgjande vilkår:

- Løyvet gjeld for dei omsøkte områda i kartvedlegget.
- Trea må hoggast før dei set frø.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

NB!

Eit løyve etter forskrift om utsetting av utanlandske treslag til skogbruksformål gir ikkje automatisk omdisponering av jorda til skogproduksjon. Dersom det ikkje er søkt omdisponering må du kontakte kommunen.

Klageadgang

Vedtaket kan påklagast innan tre veker, jf. forvaltningslova §§ 28 og 29. Klaga skal stilast til Direktoratet for naturforvaltning, men sendast til Fylkesmannen i Hordaland, jf. forvaltningslova § 32.

Med helsing

Kjell Kvingedal e.f.
seksjonsleiar

Jørgen Aarø
rådgjevar

Brevet er godkjent elektronisk og har derfor inga underskrift.

Kopi til

Radøy kommune	Radøyvegen 1690	5936	Manger
Direktoratet for naturforvaltning (DN)	Postboks 5672 Sluppen	7485	Trondheim
SABIMA			
WWF			